

12/10/2000

Proton Waja dieksport ke Britain mulai Januari

PERUSAHAAN Otomobil Nasional Bhd (Proton) akan mula mengeksport model terbarunya, Proton Waja ke Britain pada Januari atau Februari tahun depan.

Ketua Eksekutifnya, Tan Sri Tengku Mahaleel Tengku Ariff, berkata model itu akan dikenali sebagai Proton Ceria dan dijangka mampu meningkatkan imej serta pasaran kereta Proton di Britain.

Sebelum ini, Proton memasarkan model Wira yang dikenali sebagai Persona seperti Wira Sedan, Aeroback dan Satria termasuk Satria GTi yang dijual antara STG6,999 hingga STG14,499 seunit.

Sehubungan itu, katanya Proton merancang mengadakan program jelajah Britain pada awal tahun depan sebagai usaha mempromosikan model Waja ke negara itu.

"Kita perlu menjalankan program promosi yang lebih agresif seperti dilakukan Proton di Australia tahun lalu," katanya ketika ditemui sempena lawatan Perdana Menteri, Datuk Seri Dr Mahathir Mohamad ke kilang Lotus Engineering di Hethel, Norwich, UK, baru-baru ini.

(END)